

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-22983/24
Sarajevo, 14.10.2024. godine

Na osnovu člana 28. stav (9) tačka a), člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 23. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku radova, Općinski načelnik donosi:

ODLUKU O PONIŠTENJU POSTUPKA JAVNE NABAVKE

I

Poništva se postupak javne nabavke - „Izvođenje dodatnih radova na izgradnji javne rasvjete po osnovnom ugovoru br. 02/12-19-26419/23 – LOT 2 – Ug. br. 1 od 22.4.2024. godine zaključenom na osnovu okvirnog sporazuma” u pregovaračkom postupku bez objave obavještenja o nabavci, obzirom da je dostavljena ponuda nepravilna.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, u skladu sa članom 70. stav (6) Zakona o javnim nabavkama.

Obrazloženje

Komisija je u predmetnom postupku javne nabavke konstatovala da je Služba za investicije i komunalne poslove aktom br. 02/08-19-634/24NK od 18.9.2024. godine podnijela zahtjev za pokretanje procedure pregovaračkog postupka za izvođenje dodatnih radova na izgradnji javne rasvjete po osnovnom ugovoru br. 02/12-19-26419/23 – LOT 2 – Ug. br. 1 od 22.4.2024. godine, jer je tokom realizacije ugovora došlo do potrebe izvođenja dodatnih radova jer je ustanovljeno da je u proteklom periodu tokom realizacije ugovora došlo do određenih kvarova na postojećoj rasvjeti koji nisu popravljani do početka realizacije ugovora, a na osnovu dostavljene saglasnosti stručno-tehničkog nadzora „Manedra Company“ d.o.o. Mostar broj MM-07-24-1 od 29.8.2024. godine, kojim se konstatuje da je nadzorni inženjer saglasan sa opisom datih pozicija.

Na osnovu naprijed navedenog Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-22983/24 od 25.9.2024. godine - „Izvođenje dodatnih radova na izgradnji javne rasvjete po osnovnom ugovoru br. 02/12-19-26419/23 – LOT 2 – Ug. br. 1 od 22.4.2024. godine zaključenom na osnovu okvirnog sporazuma”. Procijenjena vrijednost nabavke shodno Odluci iznosi 15.959,55 KM bez PDV-a. Služba za zajedničke poslove je potom uputila poziv za učešće u pregovaračkom postupku broj 02/12-19-22983/24 od 27.9.2024. godine grupi ponuđača „Step“ d.d. Sarajevo i „Sela“ d.o.o. Sarajevo.

Zapisnikom o otvaranju ponuda od 04.10.2024. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda grupe ponuđača: „Step“ d.d. Sarajevo i „Sela“ d.o.o. Sarajevo sa ponuđenom cijenom za ugovor u iznosu od 15.959,55 KM bez PDV-a.

Komisija je izvršila analizu dostavljene inicijalne ponude i utvrdila da dostavljena ponuda ne ispunjava formalno-pravne uslove utvrđene pozivnim pismom, odnosno uslove iz tačke 7. pozivnog pisma – dokaz da je ponuđač registrovan za vršenje predmetne nabavke, te izjavu iz člana 45. stav (1) tačka a do d) i izjavu iz člana 52. Zakona o javnim nabavkama. Također ponuda nije pravilno uvezana u skladu sa tačkom 13.2. pozivnog pisma, niti su stranice pravilno označene brojem.

Shodno članom 15. pozivnog pisma obzirom da je utvrđeno da ponuda sadrži formalno pravne i suštinske nedostatke, Komisija smatra da je ponuda nepravilna, te da nema uslova za dalji postupak pregovaranja sa ponuđačem, te je dala preporuku za poništenje postupka javne nabavke.

Na osnovu navedenog u skladu sa odredbom člana 69. stav (2) tačka d) Zakona o javnim nabavkama odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od objave Odluke o poništenju postupka. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Služba za zajedničke poslove
2. Komisiji za javne nabavke radova
3. U spis

